

Anno 418, universalis concilii Carthaginensis Patres die prima maii nova decreta condidere ad extinguedas obstinatissimæ sectæ reliquia's. Mense vero septembri proximo, cum Augustinus apud Julianam Cæsaream versaretur, Emeritus ægre admodum e latebris suis eductus est ad ineundam cum sancto Doctore disputationem : sed ejus præsentia ita debilitatus et fractus animo est, ut ne mutire quidem aut hiscere ausus fuerit. Ali quanto ante ediderat Augustinus librum, cui titulus, « Ad Emeritum Donatistarum episcopum post Collationem, » quo res quibus illi vincuntur, vel victi esse monstrantur, breviter complectebantur (*Id., Retract. lib. 2, cap. 46.*)

Circiter annum eudem 418 aut 419 habitus est Donatistarum conventus, cui Petilianus cum aliis plus quam triginta episcopis intersuit : a quibus id statutum, ut qui Catholicis communicaverunt, episcoporum vel presbyterorum, tantum si sacrificium non obtulerint, aut in populo non tractaverint, ad veniam pertineant, et in suis honoribus recipiantur (*Id., Contra Gaudentium, cap. 37.*)

Interea Dulcitus exsecutor imperialium iussionum contra Donatistas, Gaudentium ejusdem sectæ episcopum litteris hortatus est ad unitatem, dissuadens incendium, quo se ac suos cum ipsa in qua erat ecclesia consumere minabatur. Gaudentius respondit ad Dulciti litteras : cujus rogatu Augustinus eidem Gaudentio reposuit edito libro, cui alium ad Gaudentii responsionem adjecit.

Hæ sunt postremæ sancti Doctoris lucubrationes in Donatistas, quorum numerus cum deficeret in dies, invictissimum scriptorem tandem quiescere sivit. Nec tamen sic tum extincta fuit pestilentissima secta, ut ejus reliquiae longe post Augustini tempora non superfuerint, sed veluti languentis corporis et ad excidium properantis simulacrum, aut sicut favilla fumusve ex ingenti relictus incendio.

Cæterum ad calcem horum operum rejicimus sermonem qui dubius nobis visus est, Augustino adscriptum, « de Rusticiano subdiacono a Donatistis rebaptizato et in diaconum ordinato. » Huic sermoni subjecimus indicem operum sancti Doctoris contra Donatistas in praecedentibus tomis sparsim editorum, una cum serie et argumentis epistolarum quæ eadem occasione scriptæ sunt. Nobis etiam operæ pretium visum est in Appendice post suppositum librum contra Fulgentium donatistam, edere varia scripta et monumenta, quæ ad Donatistarum historiam pertinent, nonnulla quidem integrâ, aliorum vero fragmenta ; præcipue vero ex Collatione Carthaginensi, Exordium cuiusque actionis, Præceptum Imperatoris de habenda Collatione, Edictum Marcellini primum ac secundum, Notoriam Donatistarum edicto respondentium, Mandatum Catholicorum quo tota causa comprehensa est, Notoriam Donatistarum alteram, Donatistarum litteras contra Catholicorum Mandatum, tandem Sententiam judicis ; haudquaquam iis omissis quæ ab Augustino in eadem collatione dicta sunt. Hujus enim collationis felix ac secundus successus Augustini maxime curis et industriæ acceptus referendus est, « Quisquis ergo, » inquit Possidius, qui et ipse Collationi interfuit, unus ex septem episcopis ad disputandum designatis, « diligentiam et operam beatissimæ memorie Augustini pro Ecclesiæ Dei statu cognoscere plenius voluerit, etiam illa percurrat gesta. » Quippe « totum illud bonum per sanctum illum hominem, consentientibus nostris episcopis et pariter satagentibus, et cœptum et perfectum est » (*Possidius, in Vita Augustini, capp. 14, 13.*)

IN PSALMUM CONTRA PARTEM DONATI,

Vide lib. 1, cap. 20, Retractionum, tom. 1, col. 617, a verbis, Volens etiam, usque ad verba, Hypopsalma est, ubi loquitur Augustinus de quodam Procemio causæ, quod PP. Benedicti dicunt ab hypopsalmate esse plane diversum, et quod hactenus desideratur. M.

S. AURELII AUGUSTINI

HIPPONENSIS EPISCOPI

PSALMIUS CONTRA PARTEM DONATI ^(a)



Omnis qui gaudetis de pace, modo verum iudicate.

Abundantia peccatorum solet fratres conturbare :
Propter hoc Dominus noster voluit nos præmonere,

ADMONITIO PP. BENEDICTINORUM.

Psalmus Abecedarius contra partem Donati recognitus est denuo ad antiquiores editiones Joannis Amerbachii, Desiderii Erasmi ac Lovaniensium Theologorum, et ad variantes lectiones veterum codicum Belgicorum Cambronensis ac Endoviensis.

Comparavimus præterea eas omnes editiones initio Retr. et Confess., t. 1, memoratas. M.

(a) Scriptus circiter finem anni Christi 593, quandoquidem in Retractionibus ponitur secundo loco post librum de Fide et symbolo in Hipponeensi concilio ejusdem anni compositum.

Comparans regnum cœlorum reticulo missio in mare,
Congreganti¹ multos pisces, omne genus, hinc et
inde.
Quos cum traxissent ad littus, tunc coeperunt sepa-
rare :
Bonos in vasa misérunt; reliquos malos, in mare.
Quisquis novit² Evangeliū, recognoscat cum ti-
more.
Videt reticulum Ecclesiam, videt hoc sacerdolum mare.
Genus autem mixtum piscis, justus est cum pecca-
tore.
Sæculi finis est littus : tunc est tempus separare.
Quando retia ruperunt, multum dilexerunt mare.
Vasā sunt sedes sanctorum, quo non possunt³ perve-
nire (*Math. XIII, 47-50*).

Omnès qui gaudetis de pace, modo verum judicate.
Bonus auditor fortasse querit, Qui ruperunt rete?
Homines multum superbi, qui justos se dicunt esse.
Sic fecerunt scissuram, et altare contra altare.
Diabolo se tradiderunt, cum pugnant de traditione,
Et crimen quod commiserunt, in alios volunt trans-
ferre :
Ipsi tradiderunt Libros, et nos audent accusare,
Ut pejus committant scelus, quam commiserunt et
ante.
Quod possent causam Librorum excusare de ti-
more,
Quod Petrus Christum negavit (*Id. XXVI, 70*), dum
terreretur de morte :
modo quo pacto excusabunt factum altare contra al-
tare?
Et pacem Christi consciassæ speim ponunt in homine?
Quod persecutio⁴ non fecit, ipsi fecerunt in pace.
Omnès qui gaudetis de pace, modo verum judicate.
Custos noster, Deus magne, tu nos potes liberare
A pseudoprophetis istis, qui nos querunt devo-
rare.

Maledictum eorum lupinum contingunt ovina pelle⁵ :
Qui⁶ novérunt Scripturas, hos solent circumvenire.
Audient enim tradidores, et nesciunt quod gestum est
ante.
Quibus si dicam, Probate, non habent quid respon-
dere.
Suis se dicunt credidisse, dico ego mēntitos esse :
Quia et nos credimus nostris, qui eos dicunt tradi-
disse.

Vis nosse qui dicant falsum? Qui non sunt in uni-
tate.
Olim jam causa finita est, quod vos non statis in
pace.

Omnès qui gaudetis de pace, modo verum judicate.

¹ Am. et Er., *Congregavit*.

² Sic MSS. At editi, *Quisquis recolit*.

³ Hic apud Am. Er. et MSS. additur, *mali*.

⁴ Sic MSS. Editi autem, *persecutor*.

⁵ Apud plerosque editos aliquid hic deesse videtur. Nam caeteræ hujus psalmi strophæ duodecimi complectuntur versiculos, haecce vero decem solummodo. Apud Er. et Lugd. additur: *Nomen justi orina pellis, schisma est in lupino corde*; haud sufficienter; numerus enim non sic recte expletur. M.

⁶ Deesse videtur negatio, non.

Dixerunt majores nostri, et libros fecerunt inde,
Qui tunc causam cognoverunt, quod recens possent
probare.

Erau⁷ quidam tradidores Librorum de sancta lege,
Episcopi de Numidia, et non quilibet de plebe :
Cum Carthaginem venissent episcopum ordinare,
Invenerunt Cæcilianum jam ordinatum in sua sede
Irati sunt quia ipsi non potuerunt ordinare.
Erau⁸ Botrus et Celestius (a) hostes Cæciliiano valde,
Impii, fures, superbi, de quibus longum est referre,
Junxerunt se simul omnes criminis in illum conflare.
Dicunt ordinatorem ejus sanctos libros tradidisse.
Sic pacis retia ruperunt, et errant modo per mare.
Omnes qui gaudetis de pace, modo verum judicate.

*Ecce quam bonum et quam jucundum, fratres in unum
habitare (Psal. cxxxiii, 1).*

Audite vocem Prophetæ, ut sitis in unitate.
Crimen nobis⁹ quis probavit antiquum de tradi-
tione?
Quis objecit in judicio? Qui sederunt judicare?
Quibus testibus convicti? Quis ausus est affirmare?
Sed hoc libenter finxerunt, quod se neveruit fe-
cisse.
Quia fama jam loquebatur de Librorum traditione;
Sed qui fecerant latebant in illa perditione.
Inde alios infamaverunt, ut se ipsos possent ce-
lare.
Per illos cæteri erraverunt principes ex ipsa parte.
Quia non credere collegis putaverunt sibi turpe.
Jam, fratres, finitur¹⁰ error, et simus in unitate.
Omnès qui gaudetis de pace, modo verum judicate.
Fecerunt quod voluerunt tunc in illa cætitate:
Non judices sederunt, non sacerdotes de more,
Quod solent in magnis causis, congregati judicare.
Non accusator et reus steterunt in quæstione;
Non testes, non documentum, quo possent crimen
probare:
Sed furor, dolus, tumultus, qui regnant in falsitate.
Proferantur nobis Gestæ quæ in concilio solent esse;
Videamus quæ res coegerit fieri altare contra altare.
Si malus erat sacerdos, deponendus erat ante:
Si non poterat deponi, tolerandus intra rete:
Sicut modo toleratis tam multis malos aperte:
Et qui fertis pro furore, ferretis unum pro pace.
Omnès qui gaudetis de pace, modo verum judi-
cate.

Gaudium magnum esset nobis, si tunc nolletis er-
rare:

Sed si tunc non visum est verum, vel nunc experti
videte¹¹.

Multos nunc habetis pravos, qui vobis displicant
valde:

⁷ Quædam editio, *vobis*.

⁸ Forte, *finiatur*.

⁹ Am. et Er., *expertum*. Lov., *ex parte*: mendose.

(a) Celestius ab Optato nominatur in libro contra Parme-
nianum primo.

Nec tamen hos separatis a vestra communione.
Non dico de illis peccatis, quæ potestis et negare :
Fustes, ignes, mortes dico, quæ committunt vestri in luce.

Et tamen suffertis illos, vel errore, vel timore.
Quantum erat, ferrent unum patres vestri pro unitate,
Si tantus erat tumultus, ut non possent degradare.
Addo quod innocens erat, et nil poterant probare.
Sed ne crimen quereretur, ubi se videbant esse;
Finxerunt se nimis justos, cum totum vellent perturbare.

Omnes qui gaudetis de pace, modo verum judicate.

Honores vanos qui querit, non vult cum Christo regnare :

Sicut princeps hujus mali, de cuius vocantur parte.
Nam Donatus cum volebat Africam totam obtinere,
Tunc judices transmarinos petiit ab Imperatore :
Sed haec iam injusta petitio non erat de charitate.
Hoc ipsa veritas clamat, quam volo modo referre.
Nam cōsensit Imperator, misit qui sedērēt Romæ Sacerdotes, qui tunc possent Cæcilianum cum illo audire.

Dicta causa est, nil probatum est : ausus est et appelle;

Et post collegarum sedem, audire ab Imperatore.

Hic petitio illa probatur non esse de charitate.

Deinde ubique victus cœpit Christianos rebaptizare.

Omnes qui gaudetis de pace, modo verum judicate.

Justitiam sequi si vultis, totam causam cogitate.

Quod postea fecit, quare factum non est ante ?

Dissentiebant sacerdotes in tota Africana parte;

Sacerdotes transmarini possent inde judicare :

Quid curritis ad schisma, et altare contra altare ?

Ut quod postea judicatum est, jam non possetis audire,

Et a iudicibus vestris cogeremini appellare,

Dum vultis erroris regnum quoquo modo confirmare.

Et nunc et vos totum nescitis, et singitis vos nescire :

Et cum vos veritas urget, patres dicitis errasse,

Quasi vos aliquis vetet jam recedere ab errore.

Sed superbia vos ligavit in cathedra pestilentiae.

Omnes qui gaudetis de pace, modo verum judicate.

Karitatēm Christi qui habet, pacem non potest odisse.

Vel vos jam populi, audite, et nobiscum concordate ¹,

Qui non tenetis cathedram, pro qua pugnetis injuste.

Si modo episcopi vestri ex una aliqua regione

Haberent inter se litem, quos velletis judicare,

Nisi alterarum regionum, qui non essent de ipsa lute,

¹ Editi, recordate : minus bene.

Sed cum discussissent causam, pronuntiarent pro una parte :

Nunquam communicaretis qui illis nollent consentire.

Quare ergo consensistis istis qui hoc fecerunt ante ?

Nam et ipsi non consenserunt transmarinorum sententiae,

Qui pro nobis judicarunt : nam nobis junguntur hodie.

Si iudex Christus hoc dicat, quid habetis respondere ?

Omnes qui gaudetis de pace, modo verum judicate.

Lumen cordis si est in vobis, verum potestis videre.
Sunt Preces Donati et Acta, quibus quod dictum est probate.

Quæ si credere non vultis, vos huc aliqua proferte,
Quibus si et nos non credimus, erit rixa sine fine.

Amplectamur ergo pacem ² : quid ad nos quod gestum est ante ?

Objicitis traditionem : respondemus vos fecisse.

Clamatis vos de Macario, et nos de Circumcellione.

Illud nostrum jam transactum : vestri non cessant usque hodie.

Habeat paleas area vestra, vos hoc solum vultis esse :

Vos enim non vultis pacem ; illi minantur de fuste.

Et utinam minarentur, et non tunderent ³ quotidie.

Hos si expellunt isti, vestri non habent per quos regnare.

Omnes qui gaudetis de pace, modo verum judicate.

Modum si excessit Macarius conscriptum in christiana lege,

Vel legem regis referebat, ut pugnaret pro unitate :

Non dico istum nihil peccasse, sed vestros pejores esse.

Quis enim præcepit illis per Africam sic sævire ?

Non Christus, non Imperator probatur hoc permisise,

Fustes, et ignes privatos, et insaniam sine lege.

Quia scriptum est, Reconde gladium (*Matt. xxvi, 52*), scelus non putant in fuste.

Non ut homo moriatur, sed ut conquassetur valde.

Et postea moriatur, inde jam cruciatus languore.

Sed tamen si miserentur, occidunt è uno fuste.

Fustes Israëles vocant, quod dixerunt cum honoret

Ut plus vastent ipsum nomen, quam corpus quod cœidunt inde.

Omnes qui gaudetis de pace, modo verum judicate.

Nolite nobis jam, fratres, tempus Macarii imputare.

Si crudeles erant illi, et nobis displicent valde :

Si autem falsa de illis dicuntur, Deus potest judicare.

Nos amemus pacem ³ Christi, gaudemus in unitate.

Si qui mali sunt in Ecclesia, nil nobis possunt nocere.

Si non possunt nobiscum esse, excludantur salva pace :

Si non poterunt excludi, excludantur vel de corde.

¹ Am. et Er., pacem Christi.

² Am. et Er., puderet : nullo sensu.

³ Am. Er. et MSS., potestatem.

Dixit Ezechiel sanctus, quosdam consignatos esse,
Qui gemunt peccata fratrum, et non se separant inde
(Ezechi. ix, 4).

Sic nos propter malos fratres, non separemur a ma-
tre.

Quod tunc impii fecerunt; extra levantes altare,
Ut pejores nunc haberent, quam quos se singunt su-
gisse.

Omnes qui gaudetis de pace, modo verum iudicate.

Omnis qui Scripturas legit, novit quod volo aperire.
Joannes Baptista dixit tunc ad Iudeos aperte,
Quod illos tanquam aream suam Christus posset ven-
tilare (Math. iii, 12).

Misit in messem operarios discipulos praedicare (Id.
ix, 37) :

Per quos arca collecta est, et ventilata de cruce.

Tunc justi tanquam frumentum Ecclesias impleve-
runt caste,

Vendentes quae possidebant, et mundo dicentes valc.
Huius tanquam semini erant, quod toto dispersum est
orbe;

Ut alia surgeret messis, quae ventilanda est in fine.
Haec crescit inter zizania, quia sunt haereses ubique:
Hujus palea sunt in justi, qui non sunt in unitate (Id.
xiii, 24-30; 57-43).

Ex quibus si erat Macarius, nos quid vis rebaptizare?
Omnes qui gaudetis de pace, modo verum iudicate.

Pone in corde areas duas, ut possis quod dico vi-
dere¹.

Certe et priores habebant sanctos, sicut ostendunt
Scripturæ.

Nam et septem millia virorum Deus se dixit reli-
quisse (III Reg. xix, 48; Rom. xi, 4).

Et sacerdotes et reges, multi justi sunt in lege.
Ibi habes tantos Prophetas, habes multos et de
plebe.

Dic milii quis tunc justorum separabit sibi altare?
Multa scelera admittebat iniquus populus ille,
Idolis sacrificatum est, tot² occisi sunt prophetæ.

Et nemo tamen justorum recessit ab unitate.
Justi injustos sufferebant, venturo ventilatore.

Uno templo miscebantur, sed mixti non erant corde.
Dicebant in illos iusta, et unum habebant altare.

Omnes qui gaudetis de pace, modo verum iudicate.

Quid vobis ad haec videtur? Secunda messis Ec-
clesiae,

Quae per totum orbem crescit, plura debet sustinere.
Habet enim Domini exemplum, et in Iuda traditore
(Math. x, 4).

Hunc inter bonos ferebat, hunc misit et praedicare.
Malus servus prædicabat, sed Christus erat in fide.

Quia qui judici credebant, non curabant de præ-
cone.

Quando dedit sanctam cœnam, nec tunc illum exclu-
sit inde (Id. xxvi, 25) :

Et posset per illum tradi, etiam si exisset ante.

Sed nobis exemplum datum est malos fratres tolerare,

Ut quando non possunt excludi, solo separemur
corde¹.

Omnes qui gaudetis de pace, modo verum iudicate.

Rogo, respondete nobis, quid vultis rebaptizare?

Lapsos sacerdotes vestros pellitis a communione:

Et nemo tamen post illos ausus est rebaptizare;

Et quoscumque baptizarunt, vobis communicant
hodie.

Quid ab iis acceperunt, si non habebant quid dare?

Legite quomodo adulteri puniantur in sancta lege.

Non enim dicere possunt quod peccarunt a timore.

Si sancti soli baptizant, post istos rebaptizate.

Quid calumniamini nobis, quia sumus in unitate;

Qui nondum eramus nati in illa persecutio-

ne. Scriptum est, peccata patrum ad filios non persinere
(Deut. xxiv, 16).

Sed nemo dat fructum bonum, si præcisus est de vite.

Omnes qui gaudetis de pace, modo verum iudicate.

Scitis Catholica quid sit, et quid sit præcsum a vite?

Si qui sunt inter vos cauti, veniant, vivant in radice;

Antequam nimis arescant, jam liberentur ab igne;

Ideo non rebaptizamus, quod unum signum est in
fide;

Non quia vos sanctos videmus, sed solam formam te-
nere.

Quia ipsam formam habet sarmentum, quod præci-
sum est de vite.

Sed quid illi prodest forma, si non vivit de radice?

Venite, fratres, si vultis ut inseramini in vite.

Dolor est cum vos videmus præcisos ita jacere.

Numerate sacerdotes vel ab ipsa Petri sede,

Et in ordine illo patrum quis cui successit, videte;

Ipsa est petra, quam non vincunt superbæ inferorum
portæ (Math. xvi, 18).

Omnes qui gaudetis de pace, modo verum iudicate.

Talis si quis ad te yeniat² plenus catholica fide,

Quales illos sanctos viros omnes solemus audire;

Et si tibi dicat, Frater, quid me vis rebaptizare?

Quid sit ante factum nescio, nunc autem sum in Chri-
sti fide.

Si me maculat quod nescio, tu qualis sis nunc osten-
de.

Vultus tuos ecce attendo, ignoro quid sit in corde.

Si me maculat quod nescio, tu me maculas fortasse.

Et si credo esse sanctum, quibus communicas vide.

Si maculat quod nescimus, jani non potes sanctus
esse,

Quem maculant tot peccata, que committunt vestri
occulte.

Si autem quod nescis non curas, nec ego quod factum
est ante.

Et tamen christianum talem audes rebaptizare.

¹ Editi, solo separantur corde. Aptius MSS., solo sepa-
remur corde.

² Er. Lugd. Ven., Talis si quis adveniat. M.

¹ Am. Er. et MSS., in corde videre.

² Deest, tot, in excusis Am. et Er.

Omnis qui gaudetis de pace, modo verum judicate.
 Vae, qui pro cathedris vestris sic contenditis injuste !
 Clamatis vos solos sanctos, aliud dicitis in corde ;
 Quia videtis et vos, multos malos abundare ubique :
 Numquid dicere potestis, Mixti sumus intra rete ?
 Respondetur enim vobis, jam vos illud disruptisse.
 Neque dicere potestis, paleas vos sustinere :
 Iterum enim respondemus, Hoc fecissetis ¹ et ante.
 Non enim pejores erant illo Juda traditore ;
 Cum quo Apostoli acceperunt primum Sacramentum
 cœnæ (*Matth. xxvi, 25; et Joan. xiii, 26*),
 Cum tanti sceleris reum inter se jam scirent esse :
 Nec tamen hos inquinabant sordes in alieno corde.
 Et tamen christianos fratres audetis rebaptizare.
 Omnes qui gaudetis de pace, modo verum judicate.
 Audite, fratres, quod dico, et mihi irasci nolite :
 Quia non sunt falsa quæ auditis, potestis et considerare.
 Quid, si ipsa nunc Ecclesia vos alloquatur cum pace,
 Et dicat : O filii mei, quid querimini de matre ?
 Quare me deseruistis jam volo a vobis audire.
 Accusatis fratres vestros, et ego laceror valde.
 Quando me premebant Gentes, multa tuli cum dolore,
 Multi me deseruerunt, sed fecerunt in timore :
 Vos vero nullus coegit sic contra me rebellare.

¹ Editio Lov., fecisti. Castigatur ex aliis libris.

Dicatis mecum vos esse, sed falsum videtis esse.
 Ego Catholica dico, et vos de Donati parte.

Jussit me Apostolus pro regibus mundi orare (I
 Tim. ii, 1, 2) :
 Vos invidetis quod reges jam sunt in christiana fide.
 Si filii estis, quid invidetis quia auditæ sunt preces
 meæ ?
 Quando enim dona miserunt, noluitis accipiare.
 Et oblii estis Prophetas, qui illud prædixerunt ante,
 Quod gentium reges magni missuri essent dona Eccle-
 siae (*Psal. lxxi, 10*) :
 Quæ dona cum respuistis, ostendistis vos non esse :
 Et Macarium coegistis suum dolorem vindicare (a).
 Sed ego quid vobis feci, vestra mater in toto orbe ?
 Expello malos quos possum : quos non possum cogor
 ferre ;

Fero illos donec sanentur, aut separentur in fine.
 Vos me quare dimisistis, et crucior de vestra morte ?
 Si multum malos odistis, quales habetis videte.
 Si et vos toleratis malos, quare non in unitate,
 Ubi nemo rebaptizat, nec altare contra altare ?
 Malos tantos toleratis, sed nulla bona mercede :
 Quia quod debetis pro Christo, pro Donato vultis
 ferre.
 Cantamus vobis, fratres, pacem si vultis audire.
 Venturus est judex noster ; nos damus, exigit ille.

(a) vide Optatum, lib. 5.

ADMONITIO

IN LIBROS CONTRA EPISTOLAM PARMENIANI.

Subsequitur opus contra Parmeniani Epistolam, in cuius operis exordio Augustinus multa se antea contra Donatistas, partim scriptis opusculis, partim tractatibus sive sermonibus ad plebem habitis, disseruisse dicit. Nempe jam scripserat epistolæ in eorum schisma quamplures : scilicet epist. 23, ad Maximum ; epist. 33, ad Proculeianum ; epist. 34 et 35, ad Eusebium ; epist. 43 et 44, ad Glorium, Eleusium et Felices ; epist. 49, ad Honoratum, et alias quasdam ante annum Christi 400 datas, quæ in tomo secundo exhibentur. Libros etiam aliquot, unum adversus Epistolam Donati Carthaginensis episcopi schismatici, et alios adversus Partem Donati duos ediderat. Liber, quem contra Epistolam Donati appellat, ad annum Christi circiter 393 pertinebat : quandoquidem hunc in libro Retractionum primo proxime post Psalmum contrâ Partem Donati ponit, testaturque a se fuisse eodem presbyterii sui tempore compositum. At vero libri duo confrâ Partem Donati, quibus in libro Retractionum secundo, ubi opuscula episcopatus sui tempore confecta recenset, locum assignavit medium inter libros de Doctrina Christiana et libros Confessionum, referendi erant ad annum Christi circiter 398. His porro duabus opusculis, quæ adhuc desiderantur, prætermisis, offerunt sese hoc loco libri tres contrâ Epistolam Parmeniani, cæteris Augustini, qui adversus Donatistas exstant, libris priores.

Parmenianus Donatistarum apud Carthaginem episcopus, Primiani præcessor, successorque Donati, notus est ex ipsius æquali, Optato Milevitano episcopo catholico, qui grande contra Parmenianum opus vulgavit. In eo tamen Optati opere nulla fit illius epistolæ mentio, quæ ab Augustino refellenda sequentibus libris suscipitur. Tichonio donatistæ scripta hæc erat a Parmeniano epistola, ut suæ communionis hominem præclarâ quædam ex Scripturis testimonia et argumenta pro Ecclesia catholica scriptis suis inserentem cohíberet. Hinc Augustinus ad Vincentium Rogatistam scribens, Epist. 93, n. 44 : « Ille est, » inquit, « Tichonius, quem Parmenianus scribendo compescit, et eum deterret ne talia scribat : non tam refellit ea ipsa quæ scribit ; sed uno, sicut supra dixi, eum premit, quod cum talia diceret de Ecclesia toto orbe diffusa, et quod neminem in ejus unitate macularent aliena peccata, ab Afrorum se tamen quasi traditorum contagione removebat, et erat in parte Donati. » Et in epistola 249 Restitutum hortatur ut legat Tichonium, qui illam « quæstionem, quomodo in Ecclesia Dei, si qua forte perversa vel etiam scelerata corrigere aut